

ଏଫିସିୟମାନଙ୍କ ନିକଟକୁ ପାଉଲଙ୍କ ପତ୍ର ଏଫିସିୟତ୍ ଗାବେ ପାଉଲ୍‌ତାଦ୍ ଚିଠି ଏଫିସିୟ ବଇ ବିଷୟରେ ଅଣ୍ଟୟ ପଦ୍

ଏଫିସି ମଣ୍ଡଳି ଗାବେ ପାଉଲ୍‌ରେ ଚିଠି ପାଉଲ୍‌ରେ ତତ୍, ଆଦ୍‌ପାର୍‌ରେ ୬୦ କ୍ରିଷ୍ଟାଦ୍ ଲୋପେ କଲସିୟ ମଣ୍ଡଳି ଗାବେ ଲେକାନ୍ ସମୟରେ ଲେକା ଆସ୍‌ମାତ୍‌ରେ । ଲେକାନଶ୍ ଅଣ୍ଟ ନିଜେ ପ୍ରେରିତ୍ ପାଉଲ୍ ଇଞ୍ଜ ପରିଚୟ ଇଦ୍‌ତଶ୍ ୧:୧ । ଯଦି କଲସିୟ ବଇତାଗ୍ ନିଜର୍ ନମସ୍କାର୍ ଇଲୁକ୍ ଗାଲା ନାଗେ ପଣ୍ଡିତ୍ ଏଫିସି ବଇତିଙ୍କ୍ ପାଉଲ୍ ଲେକ୍‌ତଶ୍ ଇଞ୍ଜ କେତୁତତ୍ । ଇଦ୍ କାରନ୍ ମାୟ୍‌ଦିଙ୍କ୍ ଆଦ୍‌ପାର୍‌ରେ ସାବେ ମଣ୍ଡଳିନାଗ୍ ଚିଠି ଦୁଃଖସାନ୍ ଉଦେଶ୍ୟ ନେଃଏସ୍ ଲେକା ଆସ୍‌ମାନ୍ତେ । ପାଉଲ୍ ଇଦ୍ ଗାଲା ଲେକିମିନ୍ଦେଶ୍ ଯେ ଅଣ୍ଟ ଇଦ୍ ଚିଠି ଲେକାନ୍ ଝେଲେ ବନ୍ଦିତାଗ୍ ମାତ୍‌ତଶ୍ ୩:୧; ୪:୧; ୬:୨୦ । ପାଉଲ୍ ତୁକିକତିଙ୍କ୍ ଏଫିସି ମଣ୍ଡଳିତାଗ୍ ରହସ୍ ଅନ୍ କାୟ୍‌ଦେ ଇଦ୍ ଚିଠି ରହସ୍ ମାତ୍‌ତଶ୍ ୬:୧-୭ ।

ଏଫିସି ଏସିଆ ମାଇନର୍‌ରେ ଅଣ୍ଟୟ ବାଡ୍‌ୟାଦ୍ ଟାଞ୍ଜୁନ୍ ନୁ ରାଜ୍‌ଦାନୀ ମାତ୍‌ରେ । ଏଫିସି ଗ୍ରୀକ୍ ଦେୟାମ୍ ଆର୍ତେମିତାଦ୍ ଉପାସନା ମେଣ୍ଡେ ଇଦିନ୍ ମନ୍ଦିର୍ ସେଙ୍ଗେ ବିକ୍ୟାତ୍ ଆତ୍‌ରେ ପ୍ରେରିତ ୯:୨୩-୩୧ । ଏଫିସି ମଣ୍ଡଳି ମୁନେନ୍ ତୁଟାଙ୍ ମାତ୍‌ରେ ଇତ୍‌କେ ପେକେ ପିନ୍ ଆତ୍‌ରେ ପ୍ରକାଶିତ୍ ୨:୧-୭ । ପାଉଲ୍ ତାନ୍ ଲେକ୍‌ତାଗ୍ ଦୁଡେ ଜାଗେତାଗ୍, ଇଶ୍ବର ବେଲା ତାନ୍ ନାରୁଡ୍‌କିଙ୍କ୍ ଏଞ୍ଚ୍‌ତଶ୍ ମେଣ୍ଡେ ବେଲା ଜିସୁନ୍ ଇସ୍ ପାପାମ୍‌ତାଗାଙ୍କ୍ ରକ୍ଷା ମାତ୍‌ତଶ୍ ଆଦ୍ ବୁଜା ମାତ୍‌ତଶ୍ । ପାଉଲ୍ ମଣ୍ଡଳିତିଙ୍କ୍ ମୋନ୍‌ଲ୍‌ତତ୍, ତୁଲ୍‌ନା ମାଡି କ୍ରିଷ୍ଟ ଇଦିନ୍ ତାଲ୍‌ଲେ ମେଣ୍ଡେ ମୂଲେତାଦ୍ ତୁଟାଙ୍ କାଲ୍ ବେନନ୍ ତତ୍, କାୟ୍‌ଲି ଅଣ୍ଟୟତତ୍, ପେର୍ସୁତାତ୍ । ପାଉଲ୍‌ରେ ଚିଠି ଦୁଡେ ଜାଗାତାଗ୍ କ୍ରିଷ୍ଟିୟାନ୍ ଜିଞ୍ଜୁଶ୍ ବିଷୟରେ ନିର୍ଦ୍ଦେଶ୍ ଇତ୍‌ତଶ୍ ।

ବଇତ୍ ଲପେ ମାନ୍ଦାନ୍ ମୁକ୍ୟ ବିଷୟ

୧. ପାଉଲ୍‌ରେ ନମସ୍କାର ମେଣ୍ଟେ ପରିଚୟ ଇଦାନାଦ୍ । ୧:୧-୨

୨. କ୍ରିଷ୍ଟନ୍ ତତ୍ତ୍ଵମଣ୍ଡଳିତେ ସମ୍ପର୍କ । ୧:୩-୩:୨୧

୩. କ୍ରିଷ୍ଟିୟାନ୍ ଜିହ୍ଵା ବାଦକାନାଦ୍ ଆର୍ତ୍ତ । ୪:୧-୬:୨୦

୪. ପାଉଲ୍‌ରେ ମାଡ଼େକ୍‌ତାଦ୍ ନମସ୍କାର । ୬:୨୧-୨୪

୧ ✨ ଇଶ୍ଵରରେ ଇଚ୍ଛା ଲେକାମ୍ କ୍ରିଷ୍ଟ ଜିସୁନ୍ ଖେରଣ୍ ପ୍ରେରିତ୍ ଶିଷ୍ୟ ଲେକାମ୍ ନିୟୁକ୍ତି ଆସ୍‌ମାନ୍‌ ପାଉଲ୍, ଜିସୁ କ୍ରିଷ୍ଟନ୍ ତତ୍ତ୍ଵ କାଈଲି ମିକା ବିଶ୍ଵାସରେ ବାଦକମାନ୍‌ ଏଫିସିରେ ଇଶ୍ଵରରେ ନାରୁଡ୍‌ ପାକେ ଲେକିମାନ୍‌ ଇଦ୍ ଚିଟି,

୨ ମାନ୍ ବାବାଲ୍ ଇଶ୍ଵର ନୁ ପ୍ରଭୁ ଜିସୁ କ୍ରିଷ୍ଟ ମିକିଂ ଅନୁଗ୍ରହ ନୁ ଶାନ୍ତି ଇଞ୍ଜିଣ୍ ।

ଆମିକ୍ ଆଗି ବାଦ୍

୩ ଦନ୍ୟ ମାନ୍ ପ୍ରଭୁ ଜିସୁ କ୍ରିଷ୍ଟନ୍ ବାବାଲ୍ ଇଶ୍ଵର । ବାତେକ୍‌କେ ଅଣ୍ଟା ମାନ୍ କ୍ରିଷ୍ଟନ୍‌ତତ୍ତ୍ଵ କାଲ୍‌ପି ସ୍ଵର୍ଗ ନାରିନ୍‌ ସାରେ ଆମିକ୍ ଆଗି ବାଦ୍ ମାଡ଼ତନ୍ ।

୪ କ୍ରିଷ୍ଟନାଗ୍ କାୟଲି ମାନାଡ୍ ବେଲା ଇଶ୍ଵରରେ ନାରୁଡ୍ ଆଦତାଡ୍, ଅଦିନ୍ ସେକ୍‌ ଜଗତ୍ ସୃଷ୍ଟି ଆଦାନ୍ ମୁନେକ୍ ଅଣ୍ଟା ମାନାକ୍ ଏଞ୍ଜି ମିନ୍‌ଦେଣ୍ । ଆଦିକ୍ ଅନ୍ ପ୍ରେମରେ ମାନାଡ୍ ଅନ୍ ମୁନ୍ନେ ପବିତ୍ର ନୁ ନିର୍ଦୋଷ୍ ଆଡ଼ତାଡ୍ ।

୫ ଜିସୁ କ୍ରିଷ୍ଟନ୍ ତତ୍ତ୍ଵ ଅଣ୍ଟା ମାନାକ୍ ତାନ୍ ପିଲାନ୍ ଲେକାମ୍ ଗ୍ରହନ୍ ମାଡ଼ାନକ୍ ଆଲ୍‌ସି ମାଡ଼ତଣ୍; ଇଦେକେ ମାଡ଼ତେ ଅନାଦ୍ ଖେଡ଼କ୍ ନୁ ଇଚ୍ଛା ।

୬ ଇଶ୍ଵରରେ ପ୍ରେମତାଦ୍ ଅନୁଗ୍ରହ ସେକ୍‌ ନୁ ତାନ୍ ପ୍ରିୟ ମାର୍‌ଦିକ୍ ବିନା ମୁଲ୍ୟବାନ୍ ଦାନ ଲେକାମ୍ ପାଏମ୍ ଆସ୍‌ମାନ୍ ମାୟ୍‌ଦିକ୍, ମାମ୍‌ମେ ଇଶ୍ଵରତିକ୍ ଦନ୍ୟବାଦ୍ ମାଡ଼ତୁମ୍ ।

୭ ✨ କ୍ରିଷ୍ଟ ତଲ୍‌ତାକ୍ ମାନାଡ୍ ମୁକ୍ତି ପାଏମ୍‌ଆଡ଼ତାଡ୍, ଅର୍ତ୍ତାଡ୍ ମାନ୍‌ଖାଦ୍ ସାର୍‌ ପାପ୍ କ୍ଷମା ଆଡ଼ତେ । ଇଶ୍ଵରରେ ଅନୁଗ୍ରହ ବେସର୍ ମହାନ୍ !

୮ ଆଦ୍ ଅଣ୍ଟା ମାନାକ୍ ନାଗେ ଇଡ଼ତଣ୍ ।

୯ ଇଶ୍ଵର ତାନ୍ ବୁଦ୍ଧତେ ନୁ ଜିହ୍ଵନ୍ତେ ପୁନ୍ଦାନ୍ଦିନ୍ ତତ୍ ବାତ୍ ଆଲ୍‌ସି ମାଡ଼ିମାତ୍ତନ୍, ଆଦ୍ ପୁରା ମାତ୍ତତ୍ସ୍, ମେଣ୍ଡେ ଆଦ୍ କ୍ରିଷ୍ଟନ୍ ସାହାଯ୍ୟତେ ବେନେ ମିଞ୍ଜତାଦ୍ ଆଲ୍‌ସି ମାତ୍ତତ୍ସ୍ ଆଦ୍ ମାନ୍ ଗାରେ କେସ୍‌ମିନ୍ଦେନ୍ ।

୧୦ ଆଦ୍ ଆଲ୍‌ସ୍‌ତାଦ୍ ଲେକାମ୍ ସ୍ଵର୍ଗ ନୁ ପୃତିବିତେ ସାରେ ତିଆର୍ ବିଷୟ ଅଣ୍ଡୟ ଆଦ୍‌ତେ ନୁ କ୍ରିଷ୍ଟ ଆସ୍ତ୍ର ସାରେତତ୍ ତାଲେ ଲେକାମ୍ ମାନ୍‌ତା ଇଦ୍ ଆଲ୍‌ସାନ୍‌ଦ୍ ଇଶ୍ଵର୍ ଲେକାମ୍ ସମୟତେ ପୁରା ମାଡ଼ିତନ୍ ।

୧୧ ସାରେ ବିଷୟ ଇଶ୍ଵର୍‌ତେ ଯୋଜନା ନୁ ନିଷ୍ପତ୍ତି ଲେକାମ୍ ତିଆର୍ ଆଦ୍‌ତେ; ମୁନେକଞ୍ଜ ତିଆର୍ ନିଜେତ୍ ଉଦ୍ଦେଶ୍ୟତେ ସାଦନ୍ ସେଙ୍ଗେ, କ୍ରିଷ୍ଟନ୍ ତତ୍ ଅନାଦ୍ ନିଜେତ୍ ନାରୁତ୍ ଆଦାନ୍ ସେଙ୍ଗେ ଇଶ୍ଵର୍ ମାନାଙ୍କ୍ ହେସ୍ତମିନ୍ଦେନ୍ ।

୧୨ ଖ୍ରୀଷ୍ଟାବ୍ଦ, ବେନତ୍ ସାରେତିଙ୍କ୍ ମୁନେ କ୍ରିଷ୍ଟନାଗେ ଆଗେ ନେହେସ୍ ମାତ୍ତମ୍, ସାରେତତ୍ ଇଶ୍ଵର୍‌ତେ ମହିମା କିର୍ତ୍ତନ୍ ମାଡ଼ିକା ।

୧୩ ମିତ୍ ଆନ୍‌ତେ ବେସ୍‌ଙ୍କ୍ ପରିବ୍ରାଣ୍ ଦସ୍‌କି ଆତ୍‌କେ ଇଦ୍ ସୁସମାଚାରତେ ସତ୍‌ଗର୍ କେଞ୍ଜିତ୍, ଆଦ୍ ସମୟତେ ଇଶ୍ଵର୍‌ତତ୍ ଆଦ୍‌ତିତ୍ । ମିତ୍ କ୍ରିଷ୍ଟଙ୍କ୍ ବିଶ୍ଵାସ୍ ମାଡ଼ନାଙ୍କ୍, ଇଶ୍ଵର୍ ତାନ୍ ପ୍ରତିଜ୍ଞା ଲେକାମ୍ ପବିତ୍ରଆମାନ୍ ଦାନ ମାଡ଼ି ମିଇ ପରୁ ଅନାଦ୍ ସତ୍ ଚିଃନେ ମାଡ଼ି ନିଜର୍ ମାତ୍ତତ୍ସ୍ ।

୧୪ ଇଶ୍ଵର୍ ତାନ୍ ନାରୁଡ଼କିଙ୍କ୍ ବେନ୍ ସାରେ ବିଷୟ ଇଦାନ୍ ସେଙ୍ଗେ ପ୍ରତିଜ୍ଞା ମାତ୍ତତ୍ସ୍, ଆଦ୍ ସାରେ ଯେ ମାନାତ୍ ଦସ୍‌କିତାତ୍, ପବିତ୍ରଆମା ଆଦିନାଦ୍ ନିଜାମ୍ ମାଡ଼ିତାନ୍ ଇଞ୍ଜ କେତ୍‌ତତ୍ସ୍ । ଇଶ୍ଵର୍ ତାନ୍ ନାରୁଡ଼କିଙ୍କ୍ ସ୍ଵାଦିନତା ଇଦ୍‌ତତ୍ସ୍, ଇଦ୍ ନିଜାତେ ଆସ୍ତ୍ରକାନ୍ ସେଙ୍ଗେ, ଖ୍ରୀଷ୍ଟାବ୍ଦ ଇଶ୍ଵର୍‌ତେ ମହିମା କିର୍ତ୍ତନ୍ ମାଡ଼ିକାଡ଼ାବ୍ ।

ପାଉଲ୍‌ତେ ପ୍ରାର୍ଥନା

୧୫ ଇଦ୍ କାରନ ସେଙ୍ଗେ ପ୍ରବୁ ଜିସୁନାଗାଙ୍କ୍ ମିୟାଦ୍ ବିଶ୍ଵାସ୍ ନୁ ଇଶ୍ଵର୍‌ତେ ନାରୁଡ଼୍, ସେଙ୍ଗେ ମିୟାଦ୍ ପ୍ରେମ ମିନ୍ଦେ ଇଞ୍ଜ କେଞ୍ଜିତେ ପେର୍କେ,

୧୭ ମିଛ ସେଙ୍ଗେ ଇଶ୍ବରତିଙ୍କ ଦନ୍ୟବାଦ୍ ଇସ ଖାଦୁତାନ୍ । ନାନ ଗାଲା ନାୟାଦ୍ ପ୍ରାର୍ଥନାତାଗ୍ ମିକିଙ୍କ ସାରେଦାମ୍ ଏକେ ମାଡ଼ୁତାନ୍ ।

୧୮ ମେଣ୍ଡେ ଗୌରବତନ୍ ବାବାଲ୍, ମାନ ପ୍ରବୁ ଜିସୁ କ୍ରିଷ୍ଟନ୍ ଇଶ୍ବରତିଙ୍କ ପ୍ରାର୍ଥନା ମାଡ଼ିତାନ୍, ବେଲା ଅଣ୍ଟ ମିକିଙ୍କ ପବିତ୍ର ଆତ୍ମା ଇଦତନ୍ । ଆଦ୍ ଆତ୍ମା ମିକିଙ୍କ ଜ୍ଞାନବାନ୍ ମାଡ଼ିତେ ନୁ ଇଶ୍ବରତିଙ୍କ ମିଛ ଗାର୍ରେ କେତିତନ୍ । ଆଲାଭତକେ, ମିଡ଼ ଅଙ୍କ ପୁଣେ ପାରଦତିଡ଼ ।

୧୯ ନାନନେ ଦନ୍ୟବାଦ୍ ମାଡ଼ିତାନ୍, ବେଲାନ୍ ଅନାଦ୍ ଖେସ୍ ଡ଼ତାନ୍ ସେଙ୍ଗେ ମିୟାଦ୍ ଲୋପେଡ଼ ଇଚ୍ଛା ଦାୟେ ଆଦତେ । ଆଦିଙ୍କ ବେନ୍ ଆଶେଡ଼ ମାୟଦିଙ୍କ ମିଡ଼ ଅନ୍ ତଡ଼ କାରଙ୍ଗିଆସ୍ ଖାଡ଼ତିଡ଼ ।

୨୦ ଅନ୍ ନାରୁନ୍ ସେଙ୍ଗେ ଅନାଦ୍ ପ୍ରତିଜ୍ଞାତ ମହଡ଼ ଆଗ୍ ବାଦତଡ଼, ଯେ ବେସର୍ ନାରଗେ ନୁ ମା ଲେକାମ୍ ବିଶ୍ବାସୀନଡ଼ ପାକେ ଅନାଦ୍ ସକ୍ରିୟ ଶକ୍ତି ଯେ ବେସର୍ ମହାନ୍, ଆଦ୍ ମିଡ଼ ପୁନତିଡ଼ ।

୨୧ ଇଞ୍ଜେ, ମାନାଗେ ଇସ୍ ମାୟାନ୍ ଆଦ୍ ଶକ୍ତି ତଡ଼ କେ ଇଶ୍ବର କ୍ରିଷ୍ଟଙ୍କ ଡ଼ଲ୍ତାଗାଙ୍କ ତେସ୍ ମିକା ଅଂକିଙ୍କ ସ୍ବର୍ଗ୍ ମୟ ନାରୁଡ଼ତେ ନିଜର୍ ତିନ୍ଦେପାକେ କୁସ୍ପି ମିନ୍ଦେନ୍ ।

୨୨ କ୍ରିଷ୍ଟ ସାରେତଡ଼ ସ୍ବର୍ଗତେ ଶାସକ, କ୍ଷମତା ଅଦିକାରି, ଶକ୍ତିତଡ଼, ନୁ ଅଦିପତିନଡ଼ ପରୁ ଶାସନ୍ ମାଡ଼ିତନ୍, ଆଦ୍ ନାରୁଡ଼ ନୁ ଖେରେ ନାରୁଡ଼ତେ କ୍ଷମତା ଇଦାନ୍ ସାରେତଡ଼ ପାଡ଼ିୟ୍ ଖିଡ଼ିସି ଅନାଦ୍ ପାଡ଼ିୟ୍ ସାରେତିଙ୍କ ବେଡ଼ୟେ ।

୨୩ ଇଶ୍ବର ସାରେ ବିଷୟ କ୍ରିଷ୍ଟନ୍ ଡେକେଡ଼ ମଦଲ୍ ନେହେଡ଼ତନ୍ ନୁ ସାରେ ବିଷୟ ପରୁ ଅଂକିଙ୍କ ସାରେତିଙ୍କ ବେଡ଼ୟେ ପ୍ରବୁ ଲେକାମ୍ ମଣ୍ଡୁଲିତାଗ୍ ଇଡ଼ତନ୍ ।

୨୪ ମଣ୍ଡୁଲି କ୍ରିଷ୍ଟନ୍ ମେନ୍ଦୁଲ୍; ମଣ୍ଡୁଲି ତଡ଼ କ୍ରିଷ୍ଟନ୍ କାମ୍ତେ ସାରେ ପୁରା ଆଦତେ; ମେଣ୍ଡେ କ୍ରିଷ୍ଟ ସାରେ ବିଷୟ ପୁରା ମାଡ଼ିତନ୍ ।

୨

ଡଲିମାଞ୍ଜ ଜିଞ୍ଜେ ଆଦାନାଦ୍

୧ ମିୟାଦ୍ କେଞ୍ଜିଞ୍ଜାଦ୍ ନୁ ପାପ୍ ସେଙ୍ଗେ ମୁନେଙ୍କ ଦିନାମ୍ତେ ଡଲାନାଦ୍ ମାଡ଼ତେ ।

୨ ଆଦ୍ ସମୟରେ ମିତ୍, ବେନ୍ ଆମ୍ ଇଞ୍ଜେ ମିକା ବୁଦ୍ଧଲ୍‌କ୍ଷେ ପିଲାନାଗ୍ ପାଡ଼ିୟି ମାଡ଼ତଣ୍ଡ, ଆଦିନ୍ ଇଚ୍ଛାଲେକାମ୍ ମିଡ଼ଆନ୍‌ଡେ ମୁନେଙ୍କକଞ୍ଜ ପାଲନ୍ ମାଡ଼ତ୍ ଅପରାଦ୍‌ତେ ନୁ ପାପତେ ଡଲିମାଡ଼ତିଡ଼୍,

୩ ଆଦ୍‌ଲେକାମ୍ ମାମ୍‌ମେ ସାରେତମ୍ ଅଡ଼ପୁଟୁଙ୍କ୍ ମାଡ଼ତମ୍ ନୁ ମେନ୍‌ଲୁ ନୁ ମନ୍‌ଦେ ଅବିଲାଷତିଙ୍କ୍ ବ୍ୟବହାର ମାଡ଼ି ବାଦ୍‌କମାଡ଼ତମ୍ । ସମ୍‌ବତଃ, ବାଗାତଡ଼୍ ଲେକାମ୍ ମାମ୍‌ମେ ମିକା ଇଶ୍‌ବରତେ କପାମ୍‌ତେ ପରିମାଣ ବୋଗ୍ ମାଡ଼ାନଙ୍କ୍ ଆଞ୍ଜମାଡ଼ତମ୍ ।

୪ ଇଡ଼କେ ଇଦ୍‌ଲେକାମ୍ କାରାପତେ ଡଲ୍‌କେ କେ ଦୟାତଣ୍ଡ୍ ଯେ ଇଶ୍‌ବର, ଅଣ୍ଡ୍ ମାନ୍ ବେନ୍ ନା଼ରଗେ ପ୍ରେମତଡ଼୍ ପ୍ରେମ ମାଡ଼ତଣ୍ଡ୍ ।

୫ ଆଦିନ୍ ସେଙ୍ଗେ ମିକିଂଙ୍କ୍ କ୍ରିଷ୍ଟନ୍ ତଡ଼୍ ଜିଞ୍ଜେ ମାଡ଼ତନ୍, ଅନୁଗ୍ରହ ତଡ଼୍ ମିକିଂଙ୍କ୍ ପରିତ୍ରାଣ ପାଏମ୍ ଆଡ଼ତିଡ଼୍ ।

୬ କ୍ରିଷ୍ଟ ଜିସୁନ୍‌ତଡ଼୍ ଝେରଡ଼୍ ଆଡ଼ତେ ପେରକେ ଅନ୍‌ତଡ଼୍ ସ୍ୱର୍ଗତାଗ୍ ରାଜମାଡ଼ାନ ସେଙ୍ଗେ ଅଣ୍ଡ୍ ମାନାଙ୍କ୍ ମିକା ତେଏସ୍ ମିନ୍‌ଦେନ୍ ।

୭ ଜିସୁ କ୍ରିଷ୍ଟନାଗେ ଇସ୍‌ମାନ୍‌ଦାନ୍ ପ୍ରେମତେ ଅନାଦ୍ ଅନୁଗ୍ରହତେ ଶାନ୍ତି ମହଡ଼୍ ଯୁଗ୍‌ଯୁଗ୍ ସାରେଦିନା ମାଡ଼ାନ ସେଙ୍ଗେ ଇଶ୍‌ବର ଇଦ୍ ମାଡ଼ତଣ୍ଡ୍ ।

୮ ବାତେଙ୍କ୍‌କେ ଅନୁଗ୍ରହତେ ବିଶ୍ୱାସ୍ ତଡ଼୍ ମିଡ଼୍ ପରିତ୍ରାଣ୍ ଦସ୍ କି ଆସ୍ ମିନ୍‌ଦେଡ଼ି; ଆଦ୍ ମିୟାଗାଙ୍କ୍ ନିଜେଡ଼୍ ଲୋପେଙ୍କ୍ ଆୟ୍‌ୟ, ଆଦ୍ ଇଶ୍‌ବରତେ ଦାନ ।

୯ ଆଦିଙ୍କ୍ ଇଦ୍ ବିଷୟତେ ବେନ୍ ଗର୍ବ ମାଡ଼ମାକିଣ୍ଡ୍ ।

୧୦ ମାମ୍‌ମେ ବାତେଏ ଆଦ୍‌ପାର୍‌ଝମ୍, ମାତର୍ ଇଶ୍‌ବରକେ ଆଦ୍ ମାଡ଼ତେ; ବେନ୍ ସାରେ ସାୟେ ପାଡ଼ିୟି ମାମ୍‌ମେ ମାଡ଼ିତମ୍ ଇଞ୍ଜ ଇଶ୍‌ବର ମୁନେଙ୍କ୍ ତିଆର୍ କିସ୍ ମାଡ଼ତନ୍, ମାମ୍‌ମେ କ୍ରିଷ୍ଟ ଜିସୁନ୍ ତଡ଼୍ କାଈଲି ମାନ୍‌ଦାନ୍ ସେଙ୍ଗେ ମା ଜିଞ୍ଜେତାଗ୍ ଆଦ୍ ସାରେ ଆଡ଼ତେ ।

କ୍ରିଷ୍ଟନାଗ୍ ଅଣ୍ଡ୍‌ୟ

୧୧ ନିଜର୍ ମୁନେଙ୍କ୍‌ତେ ଦିନାମ୍ ଏକା ମାଡ଼ାଟ୍, ଜାତିତାଗ୍ ମିଡ଼୍, ଅଣ୍ଡ୍‌କହୁଦି ମାଡ଼ତିଡ଼୍, ନିଜେତିଙ୍କ୍ “ସୁନ୍‌ଡ଼୍,” କେସ୍‌ମାନ୍‌ଦାନ୍ ଇହୁଦିଡ଼୍, ମିକିଂଙ୍କ୍ “ଅସୁନ୍‌ଡ଼୍,” କେତିତଡ଼୍ । ଇଦ୍ ମାତର୍ ଝେରଡ଼୍ ମେନ୍‌ଲୁକ୍‌ତେ ଅବସ୍ଥାତିଙ୍କ୍ ପୁନ୍‌ଦାଙ୍କ୍‌ଆଦ୍‌ତେ ।

୧୨ ମୁନେ ମିଡ଼, କ୍ରିଷ୍ଟନାଗାଙ୍କ ଯେକା ମାଡ଼ତିଡ଼, ମିଡ଼, ବିଦେଶି ମାଡ଼ତିଡ଼, ନୁ ଇଶ୍ବରତେ ହେଞ୍ଜତେ ଜାତିତାଗ୍ କାଲଲ୍‌ହେ ମାଡ଼ତିଡ଼ । ଇଶ୍ବର ତାନ୍ ନାରୁଡ଼, ସେଙ୍ଗେ ମାଡ଼ିମାନ୍ଦାନ୍ ପ୍ରତିଜ୍ଞା ପରୁ ତିଆର୍ ନିୟମ୍‌ତେ ମିୟାଦ୍ ବେନେବା କାଲଲ୍‌ହେ ମାଡ଼ତେ । ଆଗେ ଶୁନ୍‌ୟ ନୁ ଇଶ୍ବର ବିହିନ ଆସ୍ ମିଡ଼, ଜଗଡ଼ତାଗ୍ ମାଞ୍ଜିମାଡ଼ତିଡ଼ ।

୧୩ ଆଦେଲେକାମ୍ ଯେକା ମାଡ଼ତିଡ଼; ଇଞ୍ଜେ ଜିସୁନ୍‌ତଡ଼, ଅଣ୍ଡିୟ ଆସ୍ କ୍ରିଷ୍ଟନ୍ ତଲ୍‌ତାଦ୍ ସେଙ୍ଗେ ଗାରରେ ହେଉସ୍ ମିନ୍ଦେ ।

୧୪ ବାତେଙ୍କଈକ୍ତେ ଇହୁଦି ନୁ ଅଣଇହୁଦିଡ଼, ଝେରଡ଼, ମାଡ଼ି କ୍ରିଷ୍ଟ ନିଜେ ମାନାଙ୍କ ଶାନ୍ତି ଇସ୍‌ମିନ୍ତେନ୍ । ଅଡ଼କିଂଙ୍କ ତୁଟାଙ୍କ ମାଡ଼ି ନିଜେ ନିଜେ ଶତ୍ରୁଡ଼, ଲେକାମ୍ ନେହେସ୍ ମାନ୍ଦାନ୍ ନେଟେତିଙ୍କ ଅଣ୍ଡି ତାନ୍ ନିଜେଡ଼ ମେନ୍ଦୁଲ୍ ତଡ଼ ଉଝୁତନ୍ ।

୧୫ ☆ଅଡ଼, ଇହୁଦିନଡ଼, ସାରେ ବିଦିବିଦାନ୍ ସାରରେ ବ୍ୟବସ୍ଥାତିଙ୍କ ଉଚ୍ଛେଦ ମାଡ଼ି ଇହୁଦିଡ଼, ନୁ ଅଣଇହୁଦିଡ଼, ଆଗାଙ୍କ ଅଡ଼ାଦ୍ ସାହାଯ୍ୟ ମାଡ଼ିମାନ୍ଦାନ୍ ଝେରଡ଼, ପୁଃନେ ମାନବ୍ ଜାତି ତିଆର୍ ମାଡ଼ତଣ୍ । ଆଗେ ପୃତିବିତାଗ୍ ଶାନ୍ତି ତିଆର୍ ଆଦତେ ।

୧୬ ☆କୁଶତାଗ୍ ଅନାଦ୍ ତଲ୍‌ତେ ସେଙ୍ଗେ କ୍ରିଷ୍ଟ ଆ ଯିହୁଦିଡ଼, ନୁ ଯିହୁଦିଡ଼ାଗ୍ ମାନ୍ଦାନ୍ଦାଦ୍ ଶତ୍ରୁତିଙ୍କ ମାପିମିନ୍ଦେନ୍, କୁଶତଡ଼, ଅଣ୍ଡି ଝେରେ ଜାତିତିଙ୍କ ସମ୍ମିଳିତ ମାଡ଼ି, ଝେରଡ଼, ମେନ୍ଦୁଲ୍ ଲେକାମ୍ ମାଡ଼ତଣ୍ ନୁ ଇଶ୍ବରତେ ପାକେ ଅଡ଼କିଂଙ୍କ ମାଲ୍‌ପି ତାଡ଼ତନ୍ ।

୧୭ ଆଦିନ୍ ସେଙ୍ଗେ କ୍ରିଷ୍ଟ ଝାସ୍‌ମାଡ଼ତନ୍ ନୁ ଇଶ୍ବରତାଗାଙ୍କ ଯେକା ଆଞ୍ଜିମାନ୍ଦାନ୍ ଅଣଇହୁଦୀଡ଼, ନୁ ଅନ୍ ଗାରରେ ତଡ଼, ଇହୁଦିଡ଼, ପାକେ ସୁସମାଚାର କେସ୍‌ମାଡ଼ତନ୍ ।

୧୮ କ୍ରିଷ୍ଟନ୍ ତଡ଼, କେ ଇହୁଦି ନୁ ଅଣଇହୁଦିଡ଼, ସାରେତଡ଼, ଅଣ୍ଡିୟ ଆମ୍ବାତେ ବାବାନ୍ ମୁନେ ଝାଦାନ୍ ସେଙ୍ଗେ ସାହାସ୍ ଆଡ଼ତମ୍ ।

୧୯ ଆଦିନ୍ ସେଙ୍ଗେ ହୋ ଇହୁଦିନଡ଼ି, ମିଡ଼, ମେଣ୍ଡେ ବିଦେଶି ବା ନାରୁଡ଼, ଆୟ୍‌ୟ, ଇଞ୍ଜେ ଇଶ୍ବରତେ ନାରୁଡ଼ତଡ଼, କାଲଲ୍ ମିଡ଼, ଆନ୍‌ତେ ତାନ୍ ରାଜ୍ୟତେ ନାରୁଡ଼ି ନୁ ତାନ୍ ପରିବାରତେନଡ଼ି ଆଡ଼ତିଡ଼ ।

୨୦ ମିଡ଼, ଆନ୍‌ତେ ପ୍ରେରିଡ଼ ଶିଷ୍ୟ ନୁ ବାବବାଦିନଡ଼, ତଡ଼, ତିଆର୍ ଆଗେ ମାନ୍ଦାନ୍ ବିଭିମ୍ବଲ୍ ପରୁ ତିଆର୍‌ତେ ଲେକାମ୍ । ଆଦ୍ ଲୋତେ

ମୁଲେତ୍ କାଲ୍ ନିଜେ ଜିସୁ କ୍ରିଷ୍ଟ ।

^{୨୧} ଅଣ୍ଟେକେ ମାତର୍ ଇଦ୍ ଲଡ଼ତିଙ୍କ କାଲ୍ପି ନେହେତିତନ୍ ନୁ ପ୍ରବୁନ୍ ସେଙ୍ଗେ ଖେରଡ଼୍ ଉତ୍ସର୍ଗିତ ପବିତ୍ର ମନ୍ଦିର୍ ଲେକାମ୍ ତୁଟାଙ୍ଗ୍ ମାଡ଼ିତନ୍ ।

^{୨୨} ଅନାଦ୍ ଶକ୍ତିତଡ଼୍ ମିଡ଼୍ ଆନ୍ତେ ବାଗାଡ଼୍ ସାରେତଡ଼ାଦ୍ ତଡ଼୍ ଆମ୍ ଲେକାମ୍ ଇଶ୍ବରତେ ମାନ୍ଦାନ୍ ସେଙ୍ଗେ ଖେରଡ଼୍ ଲନ୍ ଲେକାମ୍ ତିଆର୍ ଆଡ଼ତେ ।

୩

ଅଣୟିହୁଦିଡ଼୍ ମାଇଦିଙ୍କ ପାଉଲ୍ତେ ପାଡ଼ିୟି

^୧ ଇଦ୍ କାରନ୍ ମାଇଦିଙ୍କ କ୍ରିଷ୍ଟ ଜିସୁନ୍ ମାଇଦିଙ୍କ ବନ୍ଦି ଆସ୍ମାନ୍ଦାନ୍ ନାନ୍ ପାଉଲ୍, ମି ଲେକାମ୍ ଅଣୟିହୁଦୀଡ଼୍ ସେଙ୍ଗେ ଇଶ୍ବରତେ ଗାରରେ ପ୍ରାର୍ଥନା ମାଡ଼ୁତାନ୍ ।

^୨ ମିୟାଦ୍ ସାୟେଡ଼୍ ମାଇଦିଙ୍କ ଇଶ୍ବର ଅନାଦ୍ ଅନୁଗ୍ରହତେ ନାକିଂଙ୍କ ଯେ ଇଦ୍ ପାଡ଼ିୟି ମାଡ଼ାଙ୍କ ଇସ୍ମିନ୍ଦେଣ୍ଡ୍, ଇଦ୍ ନିଜାମ୍ କେଞ୍ଜିତିଡ଼୍ ।

^୩ ଇଶ୍ବର ଅନାଦ୍ ମିଞ୍ଜିମାନ୍ଦାନ୍ ଯଜନାତିଙ୍କ କେସ୍ ନାକିଂଙ୍କ କେସ୍ମିନ୍ଦେନ୍ ଇ ବିଷୟତେ ନାନ୍ନେ ସୁଦୁରଇନା ଲେକୁତାନ୍ ।

^୪ ଆଦ୍ କାରକେ, କ୍ରିଷ୍ଟନ୍ ଲୋପେଡ଼ ବିଷୟତେ ନାନ୍ନେ ବାତେଏ ବୁଜେମ୍ ଆଡ଼ତାନ୍, ଆଦ୍ ମିଡ଼୍ ପୁନ୍ଦିତିଡ଼୍ ।

^୫ ମୁନେଙ୍କ ନାରୁନ୍ ଗଣ୍ଡିତିଙ୍କ ଇ ଲୋପେଡ଼ ବିଷୟତେ ଲେକକଟ ମାଡ଼ତଣ୍ଡ୍ । ଇଡ଼କେ ଇଶ୍ବର ଇଞ୍ଜେ ଅନାଦ୍ ପବିତ୍ର ପ୍ରେରିତ ଶିଷ୍ୟ ନୁ ବାବବାଦିଡ଼୍ ଆମ୍ତେ ଇଦ୍ ତହସ୍ ମିନ୍ଦେଣ୍ଡ୍ ।

^୬ ଆଦ୍ ନିଗୁଡ଼୍ ତଡ଼୍ ଆଦୁଡ଼ତେ, ସୁସମାଗାରତେ ସେଙ୍ଗେ ଯିହୁଦିଡ଼୍, ତଡ଼୍ ଅଣୟିହୁଦୀଡ଼୍ ଆନ୍ତେ ଇଶ୍ବରତେ ଆର୍ଗିବାଦ୍ ପାଏମଆସ୍ମିନ୍ଦେଡ଼୍ । ଅଡ଼୍ ଆଦ୍ ଖେରଡ଼୍ ମେନ୍ଦୁଲ୍ତେ କାଇକ୍ ଡେକା ନୁ ଜିସୁ କ୍ରିଷ୍ଟନ୍ ସାହାଯ୍ୟତେ ଇଶ୍ବର ଇସ୍ମାନ୍ଦାନ୍ ପ୍ରତିଜ୍ଞାତେ ପାଏମଆସ୍ମାନ୍ଦାନଡ଼୍ ।

୭ ଇଶ୍ଵର ଅନାଦ ଶକ୍ତି ବ୍ୟବହାର ମାଡ଼ି ନାକିଂଙ୍କ ବେନ୍ ବିଶେଷ ଦାନ ଇସ୍ତମିନେଣ୍ଡ, ଆଦିନ୍ ମାୟଦିଙ୍କ ନା ସୁସମାଚାରତେ ପାଷ୍ଟରି ଆସ୍ତମିନେନ୍ ।

୮ ନାନ୍ ଇଶ୍ଵରତେ ନାରୁଡ୍ ଲୋପେଙ୍କ ସାରେତଡ଼କିଂଙ୍କ ସୁଦୁନଣ୍ଡ, ଆଗେକବା ଅଣୟିହୁଦିଡ୍ ଗାରରେ କ୍ରିଷ୍ଟନ୍ ନାରଗେ ସମ୍ପଦତେ ଗଡ୍ ପୟସ୍ ଆଦାନ୍ ମାୟଦିଙ୍କ ନାକିଂଙ୍କ ଇଶ୍ଵର ସୁଯୋଗ ଇସ୍ତମିନେଣ୍ଡ ।

୯ ଇଶ୍ଵରତେ ଆଦ୍ ମିଞ୍ଜିମାୟାନ୍ ଯୋଜନା ବେଦପୁରୁଙ୍କ ପାଡ଼ୟି ଆଦେପାରଦତେ, ଆଦ୍ ସାରେତଡ଼କିଂଙ୍କ କେଡ଼ତାନ୍ ମାୟଦିଙ୍କ ସବାଗ୍ୟ ପାଏମ୍ ଆଡ଼ତାନ୍ । ସାରରେ ବିଷୟତେ ତିଆର୍ କର୍ତ୍ତାଲ୍ ଇଶ୍ଵର ମୁନେଙ୍କ ସାରରେ ଯୁଗ୍ତେ ଅନାଦ୍ ମିଞ୍ଜିମାୟାନ୍ ସଡ଼ତିଙ୍କ ମିଞ୍ଜିସ୍ତି ନେଃଏସ୍ ମାଡ଼ତଣ୍ଡ,

୧୦ ବେଦପୁରୁଙ୍କ ଇଞ୍ଜେଡ୍ ସମୟତେ କ୍ରିଷ୍ଟିୟ ମଣ୍ଡଳିତେ ପାଡ଼ୟିଦେ ସ୍ଵର୍ଗତେ ଅଦିପତି ନୁ ଶକ୍ତିନଡ୍ ଇଶ୍ଵରତେ ନାରଗେ ବୁଦତେ ବିଷୟତେ ପୁରାପୁରି ବୁଜେମ୍ ଆଦପାରଦତଡ୍ ।

୧୧ ଇଶ୍ଵର ଅନାଦ୍ ସାରେଦିନାଡ୍ କାଲାମ୍ଦେ ଇଚ୍ଛା ଲେକେମ୍ ମାନ୍ ପ୍ରବୁ କ୍ରିଷ୍ଟ ଜିସୁନ୍ ତଡ୍ ଇଦ୍ ପୁରା ମାଡ଼ିମିନେଣ୍ଡ ।

୧୨ କ୍ରିଷ୍ଟନ୍ ତଡ୍ କାୟଲିମାୟାନ୍ ମାୟଦିଙ୍କ ନୁ ଅଂକିଙ୍କ ବିଶ୍ଵାସ୍ ମାଡ଼ି ମାୟାନ୍ ମାୟଦିଙ୍କ ଆଗେଡ୍ ଇଶ୍ଵରତେ ମୁନ୍ନେ ଆଦାନ୍ ମାୟଦିଙ୍କ ମାନାଙ୍କ ଇଞ୍ଜେ ସାହାସ୍ ମିନେ ।

୧୩ ଆଦିନ୍ ମାୟଦିଙ୍କ ନାୟାଦ୍ ଅନୁରଦ୍, ମିଇ ମାୟଦିଙ୍କ ନା ଦୁଃକାଡ୍ ମାୟଦିଙ୍କ ମୁର୍ମୁରା ଆୟମାଟ୍, ବାତେଙ୍କିଇଡ଼କେ ଇଞ୍ଜୁସାରେ ମିଇ ସାୟେଡ୍ ମାୟଦିଙ୍କ ଆସ୍ତମିନେ ।

କ୍ରିଷ୍ଟନ୍ ପ୍ରେମ

୧୪ ଅଦିନ୍ ସେଙ୍ଗେ ବାବାଲ୍ ଇଶ୍ଵରତେ ମୁନ୍ନେ ନାନ୍ନେ ବଡ଼ମିଣ୍ଡା ଉଞ୍ଜୁସ୍ ପ୍ରାର୍ଥନା ମାଡ଼ତୁାନ୍,

୧୫ ଆଦିନ୍ ସେଙ୍ଗେ ବେନ୍ ନାଗାଙ୍କ ସ୍ଵର୍ଗ ନୁ ପୃତିବିତେ ସାରରେ ଆନିଦାଦିଡ୍ ପେଦେର୍ ପାଏମ୍ ଆଦତଡ୍,

୧୭ ନାନ୍ ପ୍ରାର୍ଥନା ମାଡ଼ତୁନ୍ ଅଣ୍ଟ ଅନାଦ୍ ଆମ୍ଭାତେ ଶାସକ, ଅନାଦ୍ ଗୌରବ୍ତେ ଗୁଦାମ୍ଭାଗାଙ୍କ ମିଇ ହୃଦୟତାଗାଙ୍କ ପୂଜାନ୍ ମାୟଦିଙ୍କ ଶକ୍ତି ଇଦତଣ୍ ।

୧୮ ନାନ୍ ପ୍ରାର୍ଥନା ମାଡ଼ିତାନ୍ ବେଦ୍ପୁରୁଙ୍କ ମିଇ ବିଶ୍ୱାସ୍ତେ ଶକ୍ତିତେ କ୍ରିଷ୍ଟ ମିଇ ହୃଦୟତାଗ୍ ମାନ୍ତଣ୍ । ନାନ୍ ପ୍ରାର୍ଥନା ମାଡ଼ିତାନ୍, ବେଦ୍ପୁରୁଙ୍କ ମିୟାଦ୍ ପାଣ୍ଡେସନ୍ ପ୍ରେମତେ ତିୟାର୍ ନୁ ତୁଟାଙ୍ ଆଦତେ ।

୧୯ ଆଲାଈଡ଼କେ, କ୍ରିଷ୍ଟନ୍ ପ୍ରେମ ଯେ ବେସର୍ ଲାଆଟି ନୁ ଗାଲ୍, ବେସର୍ ତେଙ୍ ନୁ କୁଇଙ୍, ମିଡ଼୍ ଇଶ୍ବରତେ ଝେରେଝେରେ ନାରୁଡ଼୍, ତଡ଼୍ ଇଦ୍ ବୁଜେମ୍ ଆଦାନ୍ ମାୟଦିଙ୍କ ପାରଦତିନ୍ ।

୨୦ ହଁ ମିଡ଼୍ ଅନ୍ ପ୍ରେମତେ ଅର୍ଡ଼ ପୁନ୍ଦେପାରଦତିଡ଼୍, ବେଲାମେଣ୍ଡେ ଇଦିଙ୍କ ବେସୁର୍ବା ସାରେ ପୁନ୍ଦାନଙ୍କ ଆୟୟ । ଇଦ୍ ପୁରୁଙ୍କ ମିଡ଼୍, ଇଶ୍ବରତେ ଇଞ୍ଜା ସାରେ ପୁନ୍ଦେପାରଦତିଡ଼୍ ।

୨୧ ଇଶ୍ବର ମାନ୍ ଲପେ ଅନ୍ଧାଦ୍ ଚାଲେମ୍ ଆସମାନ୍ଦାନ୍ ଶକ୍ତି ତଡ଼୍, ମାନାଡ଼୍ ତାଲ୍କାନାଗାଙ୍କ ନାଗେ ଇଦ୍ପୁରୁଙ୍କ କି ମାନାଦ୍ ଆଲ୍ସାନ୍ ବିଷୟ ଇଦାନ୍ ମାୟଦିଙ୍କ ପାରଦତଣ୍,

୨୨ ମଣ୍ଡଲି ତଡ଼୍ ନୁ କ୍ରିଷ୍ଟ ଜିୟୁନ୍ ତଡ଼୍, ଯୁଗ୍ ଯୁଗ୍ତେ ସାରେଦିନାଡ଼୍ କାଲାମ୍ ଯାକ ଆଦ୍ ଇଶ୍ବରତେ ଗୌରବ୍ ଆୟି । ଆମେନ୍ ।

୪

ମେନ୍ଦୁଲ୍ ନୁ ଝେରେଝେରେ ଦାନ

୧ ପ୍ରବୁନ୍ ସେବା ମାଡ଼ାନ୍ ମାୟଦିଙ୍କ ବନ୍ଦି ଆସମାନ୍ଦାନ୍ ନାନେନେ ପାଉଲ୍ ମିକିଙ୍ ଅନୁରୋଦ୍ ମାଡ଼ତୁନ୍, ବେଦ୍ପୁରୁଙ୍କ ବାଦକାନ୍ ମାୟଦିଙ୍କ ଇଶ୍ବର କାରଙ୍ଗି ମିନ୍ଦେଣ୍ ଆଦେ ଲେକାମ୍ ବ୍ୟବହାର୍ ମାଡ଼ାର୍ ।

୨ ✨ସାରେଦାମ୍ ନମ୍, ତୁଟାଙ୍ ନୁ ଗାଡ଼ସ୍ ଆୟୁମୁର୍ । ନିଜର୍ ନିଜର୍ ଲପେ ପ୍ରେମ ତଡ଼୍ କାହିଲି ମାନୁର୍ ।

୩ ପବିତ୍ର ଆତ୍ମା ସାହାଯ୍ୟରେ ଶାନ୍ତିରେ ମାନ୍ୟତା ଦେଇ ମିଳି ଲାଭେ ବେନି ଏକତା ତିୟାର ଆସନିଦେ, ଆଦିଙ୍କ ଜିହ୍ଵାତାର ସାଥେ ଅସ୍ପରେଷ୍ଟାର ।

୪ ମାନାଦ ମେନ୍ଦୁଲ ଅଣ୍ଡୟ, ଆତ୍ମା ଆନନ୍ଦେ ଅଣ୍ଡୟ । ମେଣ୍ଡେ ଅଣ୍ଡୟ ଆଗେ ଇସ୍ ଇଶ୍ଵର ମାନାଙ୍କ କାର୍ତ୍ତିନିଦେଣ୍ଡ ।

୫ ଅଣ୍ଡୟ ପ୍ରଭୁ, ଅଣ୍ଡୟ ବିଶ୍ଵାସ, ଅଣ୍ଡୟ ବାପ୍ତିସ୍ମ ।

୬ ସାରେତଡ଼ ନାରୁନ୍ ଜାତିଡ଼ ଇଶ୍ଵର ନୁ ବାବାଲ୍ ଝେରଣ୍ଡେ; ଅଣ୍ଡ ସାରେତଡ଼ତେ ପ୍ରଭୁ, ସାରେତଡ଼ ଲପେ ନୁ ସାରେତଡ଼ ଜିହ୍ଵାତାର ମାନତଣ୍ଡ ।

୭ କ୍ରିଷ୍ଟ ଇସ୍ମାୟାନ୍ ପରିମାଣ ଲେକାମ୍ ମାମ୍ମେ ସାରେତମ୍ ଝେରଝେର ବିଶେଷ୍ଟ ଦାନ ପାଏମ୍ ଆଡ଼ତମ୍ ।

୮ ଦର୍ମଶାସ୍ତ୍ରତାର ଇ ବିଷୟତେ ଲେକାମିଦେ:

“ବେସୁଙ୍କ ଅଣ୍ଡ ପରର ଆଡ଼ତଣ୍ଡ,

ଅନନ୍ତଡ଼ ନାରଗେ ବନ୍ଦିତକିଙ୍କ ଅଣ୍ଡ ଆଡ଼ତଣ୍ଡ,

ମେଣ୍ଡେ ନାରୁନ୍ ଜାତିତିଙ୍କ ନାରଗେ ବରଦାନ ମାଡ଼ତଣ୍ଡ ।”

୯ “ଅଣ୍ଡ ପରର ଆଡ଼ତଣ୍ଡ,” ଇଦିନ୍ ଇଡ଼କେ ବାଆଡେ ? ଇଦିନ୍ ଇଡ଼କେ, ମୁନେଙ୍କ ଅଣ୍ଡ ପୃତିବିତେ ମଦଲ୍ ପଡ଼ିୟେତାର ଝାସମାଡ଼ତଣ୍ଡ ।

୧୦ ଆଦିଙ୍କ ବେନି ମଦଲ୍ ତିଗିମାଡ଼ତଣ୍ଡ, ଅଣ୍ଡ ବେଲା ପୁରା ପୃତିବିତିଙ୍କ ଅନ୍ ଉପସ୍ଥିତିତାର ସାରେ ମାଡ଼ାନ୍ ମାୟଦିଙ୍କ ଅଣ୍ଡ ମେଣ୍ଡେ ସ୍ଵର୍ଗ ନାରୁଡ଼ତେ ଗାଟି ପରର ଆଡ଼ତଣ୍ଡ ।

୧୧ ଅଣ୍ଡେ ନାରୁନ୍ ଜାତିତିଙ୍କ ନାରଗେ ବରଦାନ ମାଡ଼ି ଆଞ୍ଜମିଦେଣ୍ଡ । ବେସୁଡ଼ଡ଼କିଙ୍କ ପ୍ରେରିଡ଼ ଶିଷ୍ୟ, ମେଣ୍ଡେ ବାଗାଡ଼ଡ଼କିଙ୍କ ବାବବାଦି, ବେସୁଡ଼ଡ଼କିଙ୍କ ସୁସମାଚାର ପ୍ରଚାର ମାଡ଼ାଙ୍କ, ପାଷ୍ଟର ନୁ ମେସ୍ତେରିନ୍ ମକମତେ ଏଞ୍ଜିମିଦେଣ୍ଡ ।

୧୨ କ୍ରିଷ୍ଟନ୍ ଆଦ ମେନ୍ଦୁଲତିଙ୍କ ତିୟାର ମାଡ଼ାନ୍ ଲେକାମ୍ କ୍ରିଷ୍ଟିୟ ସେବା ପାଡ଼ୟିଦେ ମାୟଦିଙ୍କ ଇଶ୍ଵରତେ ନାରୁଡ଼କିଙ୍କ ତିୟାର ମାଡ଼ାନ୍ ମାୟଦିଙ୍କ ଅଣ୍ଡ ଇଲା ମାଡ଼ିମିଦେଣ୍ଡ ।

୧୩ ଅଦିନ୍ମାୟଦିଙ୍କ ମାମ୍ମେ ସାରେତମ୍ ମା ବିଶ୍ଵାସତେ ନୁ ଇଶ୍ଵରତେ ମାର ବୁଦତେ ଅଣ୍ଡୟ ଆଦତମ୍, କ୍ରିଷ୍ଟନ୍ ଇସାବତେ ମାମ୍ମେ ସାରେ

ବୟସ୍କା ଆଦତମ୍ ।

୧୪ ଗାତି ଗାଲ୍‌ରେ ନୁ ଗାତି ଗାଲ୍‌ରେ ଉକାଆକା ଆସମାନ୍‌ ପିଲାନ୍ ଲେକାମ୍ ମାନାଡ଼୍ ମେଣ୍ଡେ ଦାନ୍ଦେ ଆୟୁଝାଡ଼୍ । ଝେରେତଡ଼୍‌କିଙ୍କ୍ ମେଣ୍ଡେଅନ୍ ଆର୍ ବୁଲ୍‌କା ମାଡ଼ମାନ୍‌ ତିପାଲ୍ ମାଡ଼ନଡ଼୍‌ଝାଡ଼୍ ଚାଲ୍‌କି ଶିକ୍ଷାତାଗ୍ ମାନାଡ଼୍ ଦାନ୍ଦେ ଆୟୁଝାଡ଼୍ ।

୧୫ ପ୍ରେମ ତଡ଼୍ ସଡ଼୍ କେସ୍ ସାରେତଡ଼୍‌ଝାଡ଼୍ ତାଲେଡ଼ ରକମ୍ କ୍ରିଷ୍ଟନ୍ ଲେକାମ୍ ଆଦତାଡ଼୍ ।

୧୬ *ଅନାଦ୍ ନିୟନ୍ତ୍ରଣ ତଡ଼୍ ମେନ୍ଦୁଲ୍‌ରେ ଝେରଝେରରେ କାଉକ୍‌ଡେକା ଅଣ୍ଡିୟାଗେ ମଦ୍‌ଦା ଆଦତା ନୁ ଆଗେ ମାନ୍‌ଦାନ୍ ଗାତିନ୍ ତଡ଼୍ ପୁରା ମେନ୍ଦୁଲ୍ ତିୟାର୍ ଆଦତେ । ଆଦିଙ୍କ୍ ସାରେତଡ଼୍ ସାରେଖେଲେ ନିଜେଡ଼ ପାଡ଼ିୟି ଟିକ୍‌ଟାକ୍ ଲେକାମ୍ ଚାଲ୍ ମାଡ଼କେ ପୁରା ମେନ୍ଦୁଲ୍ ପ୍ରେମରେ ପେସ୍ ମିକା ସାୟେ ତିୟାର୍ ଆଦତା ।

କ୍ରିଷ୍ଟନାଗାଙ୍କ୍ ପୁନାଦ୍ ଆଦାନାଦ୍

୧୭ ଆଦିଙ୍କ୍ ପ୍ରବୁନ୍ ପେଦେରେତେ ନାନ୍ ମିକିଂଙ୍କ୍ ସତର୍କ୍ ମାଡ଼ତୁନ୍ । ଅଣ୍ଡିୟିନ୍ ନାରୁଡ଼୍ ଲେକାମ୍ ମେଣ୍ଡେ ବାଦକ୍‌ମାଟ୍ । ଅଡ଼ାଦ୍ ଚିନ୍ତେ ବୁସାତାଗ୍

୧୮ ନୁ ଅଡ଼ାଦ୍ ମନ୍ ଇକାଡ଼୍ । ଇଶ୍‌ବର ଇଡ଼ରେ ଜିହ୍‌ସ୍‌ରେ ଅଡ଼ାଦ୍ ବାଡ଼ବା ପାଲ୍‌କ୍ ଇଲ୍‌ଲେ । ବାଡେଙ୍କ୍‌ଇଡ଼କେ ଅଡ଼୍ ସାରେ ମୁର୍କ୍ ନୁ ଜିଦି ନାରୁଡ଼୍ ।

୧୯ ଅଡ଼୍ ସିଗ୍ ଇଲ୍‌ଝେନଡ଼୍ ବୁଷ୍ଟାଚାରୀଡ଼୍ ନୁ ସାରେଖେଲେ ସାରରେ ପ୍ରକାରରେ ଅଣ୍ଡି ପାଡ଼ିୟିତାଗ୍ ମୁଡ଼ିୟିମାନ୍‌ନଡ଼୍ ।

୨୦ ଇ ସାରରେ ମିଡ଼୍ କ୍ରିଷ୍ଟନ୍ ବିଷୟରେ ଶିକ୍ଷା ମାଡ଼ିମାନ୍‌ ବିଷୟ ଆୟୁୟ ।

୨୧ ମିଡ଼୍ ନିଜାମ୍ ଅନ୍ ବିଷୟରେ କେଉଁତିଡ଼୍ ନୁ ଅନ୍ ପେର୍କେ ଆଦାନଡ଼୍ ଲେକାମ୍ ଜିସୁନ୍ ବିଷୟରେ ସଡ଼୍ ଶିକ୍ଷା ପାଏମ୍ ଆଡ଼ିଡ଼୍ ।

୨୨ *ଆଦିଙ୍କ୍ ବେନ୍ ପାଃଡେ ଜବାବ୍ ଆସ୍ ମିଡ଼୍ ଜିହ୍‌ସ୍ ବାଦକ ମାଡ଼ିଡ଼୍, ଆହୁ ଝିଡ଼୍‌ସାଟ୍, ବାଡେଙ୍କ୍ ଇକେ ଆଦିନ୍ ବୁଚା ଲାଲ୍‌ସା ତଡ଼୍ ମିୟାଦ୍ ଆମ୍ ନଷ୍ଟ ଆସମାଡ଼୍‌ରେ ।

୩୩ ମିୟାଦ ହୃଦୟ ନୁ ମନ୍ ପୁରା ପୁନାଦ ଆଦାନ ଦରକାର ।

୩୪ ✧ ଇଶ୍ବରତେ ଲେକାମ୍ ତିୟାର୍ ଆଡ଼ତେ ପୁନାଦ୍ ନିଜାମ୍ ସଡ଼ ଆମ୍ ପୟମୁର୍ । ଆଦ୍ ମିୟାଦ୍ ପବିତ୍ର ନୁ ସାୟେତାଦ୍ ଜିହ୍ବୁଷ୍ ତଅନ୍ଦି ।

୩୫ ମେଣ୍ଡେ ବୋଲ୍ମାଟ୍ । କ୍ରିଷ୍ଟ ବିଶ୍ବାସୀଡ଼୍ ନିଜେନିଜର୍ତିଙ୍କ୍ ସଡ଼ କେଡ଼ତାନ୍ ମିନ୍ଦେ; ବାତେଙ୍କ୍‌ଇଡ଼କେ ମାନାଡ଼୍ କ୍ରିଷ୍ଟନ୍ ମେନ୍ଦୁଲ୍‌ତେ କାୟ୍‌କ୍ ତେକା ।

୩୬ ମିଡ଼୍ କପାମ୍ ଆସ୍ ପାପାମ୍ ମାଡ଼୍‌ମାଟ୍ । ପଡ଼୍‌ଦ୍ ଅନ୍‌ଝେ ମୁନେଙ୍କ୍ ମିୟାଦ୍ କପାମ୍ କଟ୍ ଆୟି ।

୩୭ ଶୟତାନ୍‌ତିଙ୍କ୍ ପଡ଼୍‌ରେ ଇମାଟ୍ ।

୩୮ ତଙ୍ଗାଲ୍ ମେଣ୍ଡେ ତଙ୍ଗାମାକିଣ୍ । ସାୟେଡ଼୍ ଉପାୟ୍‌ତେ ନିଜେଡ଼୍ ଜିବିକା ଗାଡ଼୍‌ସାନ୍ ସେଙ୍ଗେ ନୁ ଗରିବୀଡ଼୍‌କିଙ୍କ୍ ସାହାଯ୍ୟ ମାଡ଼ାନ୍ ସେଙ୍ଗେ ଅଣ୍ ପାଡ଼୍‌ୟି ମାଡ଼ିଣ୍ ।

୩୯ ମିଇ ପାୟୁର୍ କନ୍‌ସ୍ କାରାପ୍ ଗଟି ପେୟମାକି । ମିଇ ଗଟି ସାୟେଆୟି, ଗଟିନାଗ୍ ନୁ ପାଡ଼୍‌ୟିଦାଗ୍ ବ୍ୟବହାର୍ ଆୟି । ଆଲାଈଡ଼କେ ବେନଡ଼୍ ମିଇ ଗଟି କେଞ୍ଜିତଡ଼୍, ଅଡ଼୍ ସେଙ୍ଗେ ଆହୁ ସାୟେ ଆଦତେ ।

୪୦ ✧ ଇଶ୍ବରତେ ପବିତ୍ର ଆମ୍‌ତିଙ୍କ୍ ଦୁଃକାମ୍ ଇମାଟ୍ । ବାତେଙ୍କ୍‌ଇଡ଼କେ ପବିତ୍ର ଆମ୍ ମିଇ ପରର ଇଶ୍ବରତେ ନିଜର୍ ଅଦିକାର୍ ଚିଃଏନେ ରକମ୍ ନୁ ଇଶ୍ବର୍ ଯେ ଅନ୍‌ଦିନେ ମିକିଙ୍କ୍ ମୁକ୍ତି ମାଡ଼ିତନ୍, ଇଦିନ୍ ରକମ୍ ।

୪୧ ସାରେ କାୟ୍‌ତାଦ୍, ଉଭେଜନା ନୁ କପାମ୍ ଝିଡ଼୍‌ସାଟ୍ । ପାୟ୍‌ମାଟ୍ ବା ନିନ୍ଦେ ମାଡ଼୍‌ମାଟ୍ । ମେଣ୍ଡେ ସାରେଲେକାଡ଼୍ ହିଂସା ମିୟାଗାଙ୍କ୍ ଜେକା ଆଇ ।

୪୨ ✧ ଇଡ଼କେ ନିଜେନିଜର୍ ସେଙ୍ଗେ ସଦୟ ନୁ ଲେଏତା ରକମ୍ ଆୟମୁର୍ ନୁ କ୍ରିଷ୍ଟନ୍ ସେଙ୍ଗେ ଇଶ୍ବର୍ ବେଦ୍‌ପୁଟ୍‌ଙ୍କ୍ ମିକିଙ୍କ୍ କ୍ଷେମା ମାଡ଼ିମିନ୍ଦେଣ୍, ମିଡ଼୍ ଆନ୍‌ତେ ଆଦେପୁଟ୍‌ଙ୍କ୍ ନିଜେନିଜର୍ତିଙ୍କ୍ କ୍ଷେମା ଇମୁର୍ ।



୧୫ ଶ୍ରେୟ ଲିଖୁଣ୍ଡ

^୧ ମିତ୍, ଇଶ୍ବରତେ ପ୍ରିୟ ମାରକିନଡି, ଆଦିଙ୍କ ଅନ୍ ଲେକାମ୍ ଆଦାନଙ୍କ ଚାଏମ୍ ଆୟମୁର୍ ।

^୨ କ୍ରିଷ୍ଟ ବେଲା ମାନାଙ୍କ ପ୍ରେମ ମାଡ଼ତଣ୍ଡ ନୁ ଇଶ୍ବରତେ ସାୟେଡ଼ ସେଙ୍ଗେ ନିଜେଡ଼ ଜିହ୍ବୁଣ୍ଡିଙ୍କ ମାନ୍ ମାୟଦିଙ୍କ ସାୟେ ଗାବତାଝୁ ପୁଜାସାମାନ୍ ନୁ ବଲି ଉସର୍ଗ ମାଡ଼ତଣ୍ଡ, ମିଜ ଜିହ୍ବୁଣ୍ଡ ମିକା ଆଦେଲେକାମ୍ ଚାଲେମ୍ ଆୟି ।

^୩ ଇଶ୍ବରତେ ନାରୁଡ଼, ଆଡ଼ତାଙ୍କ ମିୟାଗ୍ ବେବିଚାର୍, କାରାପ୍, ଅଶୁଚିତା ନୁ ଲାଲସା ମାନ୍ମାକି ।

^୪ ମିୟାଗ୍ କାରାପ୍ ଗଟି, କାରାପ୍ ଶ୍ରେଷ୍ଠତ୍ ନୁ ମିଟ୍ ଗଟି କେତାନାଦ୍ ଟିକ୍ ଆୟୟ । ବାତେଙ୍କଇଡ଼କେ ମିଡ଼, ଗଟି ଡିରୟାନାଗ୍ ଇଶ୍ବରତିଙ୍କ ଦନ୍ୟବାଦ୍ ଇସମାନ୍ନୁର୍ ।

^୫ ଇଦ୍ ନିଜାମ୍ ଇଞ୍ଜ ପୁନୁର୍, ବେନ୍ ଅଶୁଚି ନାରୁଡ଼, ନିତାଲ୍, ଶିଷ୍ଟାଚାର୍ ଇଲ୍ଲେ ନାରୁଣ୍ଡ ନୁ ଲବି ନାରୁଣ୍ଡ ଗାଟି ଲବି ପୁଡ଼ଲାମ୍ ପୁଜା ରକମ୍ ଅଣ୍ଡ ବେସୁର୍ବା କ୍ରିଷ୍ଟ ନୁ ଇଶ୍ବରତେ ରାଜ୍ୟତାଗ୍ ଆଦେ ପାର୍ଶ୍ବଣ୍ଡ ।

^୬ ମୁଲ୍ୟ ଇଲ୍ଲେ ଗଟି କେସ୍ ମିକିଂଙ୍କ ବେନ ତିପାଲ୍ ମାଡ଼ମାକିଡ଼ । ଇଝୁ ସାର୍ରେ କାରାପ୍ ପାଡ଼ୟି ବେନଡ଼, ଇଶ୍ବରତେ ଗର୍ ମାନେମ୍ ଆୟୟଡ଼, ଅଡ଼, ମାୟଦିଙ୍କ ଅନ୍ କପାମ୍ ପେୟଡ଼ିଡ଼ ।

^୭ ଇସଡ଼ ନାରୁଡ଼, ତଡ଼, ବାଡ଼ବା ସମ୍ପର୍କ ନେଃଏମାର୍ ।

^୮ ମିଡ଼, ନିଜେ ଅନ୍ଦିନେ ଇକାଡ଼ତାଗ୍ ମାଡ଼ତିଡ଼, ଇଡ଼କେ ମିଡ଼, ଇଞ୍ଜେ ପ୍ରବୁନ୍ ନାରୁଡ଼, ଆସ୍ମାନାଙ୍କ ମିଡ଼, ଶ୍ରେସ୍ତତାଗ୍ ମିନ୍ଦେଡ଼ି । ଆଦିଙ୍କ ମିଡ଼, ଶ୍ରେସ୍ତେ ପିଲାନ୍ ଲେକାମ୍ ବ୍ୟବହାର୍ ମାଡ଼ାର୍ ।

^୯ ବାତେଙ୍କଇଡ଼କେ ଶ୍ରେସ୍ ସାର୍ରେ ପ୍ରକାର୍ ସାୟେଡ଼ ଗୁନାମ୍, ଦାର୍ମାମ୍ ନୁ ସଡ଼ ପେସ୍ଟିଡ଼ ।

^{୧୦} ପ୍ରବୁ ସନ୍ତୋଷ୍ ଆଦଦାନ୍ ମାୟଦିଙ୍କ ଶିକ୍ଷା ନାଡ଼ସାର୍ ।

^{୧୧} ନାରୁଡ଼, ଇକାଡ଼ତାଗେ ବେନ୍ ସାର୍ରେ କାରାପ୍ ପାଡ଼ୟି ମାଡ଼ତୁଡ଼, ଅଡ଼ସାଙ୍କ ତଡ଼, ଆୟମାର୍ । ଅଡ଼, ପାଡ଼ୟି ସାର୍ରେ ପେସ୍ପି ତଅସିମୁର୍ ।

^{୧୨} ବାସ୍ତବିକ୍, ଅଡ଼, ମିଞ୍ଜସ୍ତି ବାଡ଼ ସାର୍ରେ ମାଡ଼ିତଡ଼, ଆଦ୍ ବିଷୟ

କେତାନାଦ୍ ସିଗୁଲ୍‌ମାଲାନ ।

୧୩ ବେସୁର୍ ସାରରେ ବିଷୟ ଖେସିନାଗ୍ ତଅନ୍‌ଦିତା ଆସୁଟେ ଆସୁ ସାରରେ ନିଜାମ୍‌ତାସୁ ପେୟତିତା ।

୧୪ ବାତେଙ୍କିଇଡକେ ଖେସ୍ ସାରରେ ବିଷୟ ପେସ୍ତିତା । ଆଦିନ୍ ମାୟ୍‌ଦିଙ୍କି ଇଲା ଲେକ୍‌ତାଦ୍ ମିନ୍ଦେ, “ହୋ ଉଞ୍ଜେତେନଡି, ତିଆରତେ ଆୟ୍‌ମୁର୍ ନୁ ତଲ୍‌ତେନଡାଗାଙ୍କି ତେଏଦାଟ୍ ! କ୍ରିଷ୍ଟନ୍ ଖେସ୍‌ତାଗ୍ ପେୟ୍‌ମୁର୍ ।”

୧୫ ଆଦିଙ୍କି ମିଡ୍ ବେଲା ବେବ୍ୟହାର୍ ମାଡିତିଡ୍, ଆଦ୍ ବିଷୟତେ ସାବ୍‌ଦାନ୍ ଆୟ୍‌ମୁର୍ । ମୁର୍କ୍ ଇନା ଆୟ୍‌ୟକଟ୍ ଜାନି ଇନା ଆୟ୍‌ମୁର୍ ।

୧୬ ☆ସାରରେ ସୁଯୋଗ୍‌ତାଗାଙ୍କି ସାୟେ ବ୍ୟବହାର୍ ମାଡାଟ୍, ବାତେଙ୍କି ଇକେ କାରାପ୍ ଦିନାମ୍ ଏସୁତେ ।

୧୭ ମୁର୍କ୍ ନାରୁଡ୍ ଇନା ଆୟ୍‌ୟକଟ୍, ଇଡକେ ପ୍ରବୁନ୍ ଗଟି ବୁଜେମ୍ ଆଦାଙ୍କି ଆଲ୍‌ସି ମାଡାଟ୍ ।

୧୮ କାଲ୍ ଉନ୍‌ନାଗ୍ ଆନ୍‌ମାଟ୍, ଆଦ୍ ମିକିଂଙ୍କି ସର୍ବନାସ୍ ମାଡିଡ୍, ବାତେଙ୍କିଇଡକେ ପବିତ୍ର ଆମ୍ବା ତଡ୍‌ପୁରା ଆୟ୍‌ମୁର୍ ।

୧୯ ☆ପାଟ୍, ଆରାଦନା ନୁ ବକ୍ତିତଡ୍ ପାଟ୍ ପାରାଟ୍ ନୁ ନିଜେ ନିଜର୍‌ଲପେ ସାରଦେ ଆୟ୍‌ମୁର୍ । ହୁଦୟ୍‌ତେ ଲପେଙ୍କି ପ୍ରବୁନ୍ ପେଦେର୍‌ତେ ପାଟ୍ ପାରାଟ୍ ।

୨୦ ସାରେଖେଲେ ସାରରେ ବିଷୟ ପ୍ରବୁ ଜିସୁ କ୍ରିଷ୍ଟନ୍ ପେଦେର୍‌ତେ ନୁ ବାବାଲ୍ ଇଶ୍‌ବର୍‌ତିଙ୍କି ଦନ୍‌ୟବାଦ୍ ଇମୁର୍ ।

ନାଟା ନୁ ମାନେୟ୍

୨୧ କ୍ରିଷ୍ଟନ୍ ପରର ନିୟାଦ୍ ବକ୍ତି ମାନ୍‌ନାଙ୍କି ମିଡ୍‌ମିମିଲପେ କାୟ୍‌ଲି ମାନ୍‌ମୁର୍ ।

୨୨ ☆ଆ ନାଟାନଡି ! ମିଡ୍ ବେଲା ପ୍ରବୁନାଗ୍ ମିନ୍ଦେଡି ଆଲେନେ ନିଜର୍‌ନିଜର୍ ମୁଦ୍‌ପାଲଡ୍‌ତଡ୍‌ମାନ୍‌ମୁର୍ ।

୨୩ ମଣ୍ଡଲିତେ ପରର କ୍ରିଷ୍ଟନାଦ୍ ଅଦିକାର୍ ବେଲା ମିନ୍ଦେ ଆଲେନେ ନାଟାଡ୍‌ତେ ପରର ମାନେୟ୍‌ତେ ଅଦିକାର୍ ମିନ୍ଦେ; ମେଣ୍ଡେ କ୍ରିଷ୍ଟ କେ ତାମ୍ ମେନ୍‌ଲ୍ ଇନା ମଣ୍ଡଲିତେ ତ୍ରାଣକର୍ତ୍ତାଲ୍ ।

☆ ୫:୧୭ କଲସୀୟ ୪:୫. ☆ ୫:୧୯ କଲସୀୟ ୩:୧୭, ୧୭. ☆ ୫:୨୨ କଲସୀୟ ୩:୧୮; ୧ ପିତର୍ ୩:୧.

^{୨୪} ମଣ୍ଡଳିଭାଗ ବେଲା କ୍ରିଷ୍ଣନ୍ ଅଦିକାର ମିତ୍ରେ, ନାଟାକି ବେଲା ନିଜରନିଜର ମଦପାଳତ୍ତ ଗାରରେ ସାରେଝେଲେ ମାନି ।

୨୫ *ମୁଦ୍‌ପାଲଡ଼ି, କ୍ରଷ୍ଣ ବେଲା ମଣ୍ଡଳିତିଙ୍କ ପ୍ରେମ ମାଡ଼ି, ତାନ୍
ଜିହ୍ଵା ଇଡ଼ତନ୍, ମିଡ଼ଟିକ୍ ଆଲେନେ ନିଜର ନିଜର ମୁତେକିଙ୍କ ପ୍ରେମ
ମାଡ଼ାଟ ।

୨୭ କ୍ରଷ୍ଣ ମଣ୍ଡଳିଡିଙ୍କ ଏବଂ ତତ୍ତ୍ୱ ପରିଷ୍କାର ମାଡ଼ି ଇଶ୍ୱରରେ ଗର୍ବ
ମାଇଦିଙ୍କ ଉତ୍ସର୍ଗ ମାଡ଼ତଣ୍ଡ,

୨୭ ମେଣ୍ଟେ ଆଦ ପବିତ୍ର, ନିର୍ଦୋଷ, ନିଷ୍କଳଙ୍କୁ ତୁ ସାରରେ ସାୟେ ସୁନ୍ଦର ମାଡ଼ି ନିଜେ ନେଉଅବତୁ ।

୨୮ ମାନେୟନଡ଼ି ନିଜେଡ଼ ମେନ୍ଦୁଲ୍ ଇଞ୍ଜି ଆଲ୍ଲସି ନିଜେଡ଼ ନାଟାକିଙ୍କ
ପ୍ରେମ ମାଡ଼ାନାଦ୍ ସାୟେ । ବେନ ନିଜେଡ଼ ନାଟାକିଙ୍କ ପ୍ରେମ ମାଡ଼ିତନ୍,
ଅଣ୍ଟ ନିଜେଡ଼ିଙ୍କ ପ୍ରେମ ମାଡ଼ତଣ୍ଟ ।

୨୯ ବେନ ବେସୁର୍ ନିଜେତ୍ ମେନ୍ଦୁଲତିଙ୍କ ପାସକଣ୍ଠ । ମେଣ୍ଡେ
ମେନ୍ଦୁଲତିଙ୍କ ତିହାନ୍ ଉଦାନ୍ ମାଡିତନ୍ ନୁ ଜତନ୍ ଆଦତନ୍ ଆଲେନେ
କିଷ୍ଟ ମଣ୍ଡଲିତେ ଜତନ୍ ଆଦତନ୍.

୩୦ ବାତେଙ୍କଈଡ଼କେ ମାନାଡ଼ ଅନ ମେନ୍ଦ୍ରଲତେ ଡେକା କାୟକ ।

୩୧ ଦର୍ଶନାସ୍ତତାର କେତେତେ ଲୋକାମ୍, “ଇଦିନ୍ ମାଇଦିଙ୍କ ମାନେୟତେ ଯାୟବାବାଙ୍କୁ ଝିଡ଼ି ଯିଜେତ୍ ମୁତେନ୍ ତତ୍ ମାନତଶ୍ଚ ଅତ୍ ଇରଞ୍ଜତ କାୟଲି ଶ୍ରେରତ ଆଦତତ ।”

୩୨ ଶାସ୍ତ୍ରତାର୍ତ୍ତ ଇନ୍ଦ୍ର ବିଷୟରେ ଯେପରିକି, ଇନ୍ଦ୍ର କ୍ରିଷ୍ଣ ନୁଁ ମଣ୍ଡଳି
ସେଇଠାରେ ଇନ୍ଦ୍ର ନାନ ବୃନ୍ଦେନ ଆଦିତ୍ୟ ।

୩୩ ଇଡ଼କେ ଇଦ୍ ମିଇ ସେଜେବା ସାୟେ । ସାରରେ ମୁଦ୍‌ପାଲଡ଼,
ମୁତେଙ୍କ ଜିଞ୍ଜେଇସ୍ ପ୍ରେମ ମାଡ଼ାବ୍ ନୁ ସାରରେ ମୁଡ଼ତେ ନିଜେଡ଼
ମୁଦ୍‌ପାଲଡ଼କିଙ୍କ ସମ୍ମାନ ଇଞ୍ଜି ।



ଯୁକ୍ତବାବ ନୁ ନାବୁନାୟାସ୍

୧ ଧର୍ମାନ୍ତର, ଯାହାଦ୍ୱାରା ଗତି କେଜାଣିବା ମିଳାଏ କ୍ରିଷ୍ଣାୟାନ୍
ପାତ୍ର, ବାହ୍ୟେ ଇନ୍ଦ୍ରିୟ ସାମୟେ ବ୍ୟବହାର ।

୨ “ମିୟାଝୁ ଯାୟବାବାଙ୍କ ସମ୍ମାନ ମାଡ଼ାଟ୍ ।” ଇନ୍ଦ୍ୟ ଗଟ୍‌ତାଗ୍ ଅଣ୍ଡିୟ ପ୍ରତିଜ୍ଞା କାଲ୍‌ପି କେଡ଼ତଡ଼୍,

୩ “ବେଲାକି ମିୟାଦ୍ ସାୟେ ଆଦ୍‌ତେ ନୁ ମିଡ଼୍ ପୃତିବିତାଗ୍ ନାର୍‌ଗେଜେଲ୍ ମାନ୍‌ତିଡ଼୍ ।”

୪ ☆ୟାୟବାବଡ଼୍, ପିଲାକିଙ୍କ୍ କପାମ୍ ମାଡ଼ାନ୍ ଲେକାମ୍ ବାଡ଼୍ ବ୍ୟବହାର ମାଡ଼୍‌ମାଟ୍, ଇଡ଼କେ ପ୍ରବୁନ୍ ବ୍ୟବହାର ନୁ ଶିକ୍ଷାତଡ଼୍ ଅଡ଼କିଙ୍କ୍ ପୋଡ଼୍‌ପାଟ୍ ।

ଗତି ନୁ ସାଉକାରୀ

୫ ☆ଗତିନଡ଼ି, ମିଡ଼୍ କ୍ରିଷ୍ଟନ୍ ସେବା ମାଡ଼୍‌ଡୁଡ଼୍ ଇଞ୍ଜ ଆଲ୍‌ସି ହୁଦ୍‌ୟତାଗ୍ ଖେରେତଡ଼୍ ଖାଡ଼କି ଜଗଡ଼‌ତେ ସାଉକାରୀଡ଼୍‌ଗଟ୍ ପାଲନ୍ ମାଡ଼ାଟ୍ ।

୬ ମାଲିକ୍ ମିକିଙ୍କ୍ ଉଡ଼ାନ୍ ଖେଲେ ଅନାଗ୍ ସାୟେ ଆଦାନଙ୍କ୍ ଆଦ୍ ମାଡ଼‌ଖେକନ୍, କ୍ରିଷ୍ଟନ୍ କ୍ରିତଦାସ ଲେକାମ୍ ମିୟାଦ୍ ସରଲ୍ ହୁଦ୍‌ୟ ଇସ୍ ଇଶ୍‌ରତେ ଇଚ୍ଛା ଲେକାମ୍ ମାଡ଼ାଟ୍ ।

୭ ଆସାମ୍ ମାନେୟତାଦ୍ ସେବା ମାଡ଼୍‌ଡୁଡ଼୍ ଆଲ୍‌ସିଖେ ପ୍ରବୁନ୍ ସେବା ମାଡ଼ାନ୍ ଲେକାମ୍ ଖେଡ଼କେତେ ଆଦ୍ ମାଡ଼ାଟ୍ ।

୮ ଏକା ନେଃଏମ୍‌ଟ୍, ଅଣ୍ କ୍ରୀତଦାସ ଆୟିଶ୍ ବା ସ୍ବାଦିନ୍ ଆୟିଶ୍ ପ୍ରବୁ ସାରରେ ନାରୁଡ଼କିଙ୍କ୍ ଅନାଦ୍ ସାୟେଡ଼ ପାଡ଼୍‌ୟି ସେଙ୍ଗେ ପୁରଷ୍ଟାର ଇଦ୍‌ତଣ୍ଡ୍ ।

୯ ☆ମାଲିକିନଡ଼ି, ମିଇ କ୍ରିତଦାସିଡ଼୍ ସେଙ୍ଗେ ଆଦେଲେକାମ୍ ବ୍ୟବହାର ମାଡ଼ାଟ୍ ନୁ ଅଡ଼କିଙ୍କ୍ ଦମ୍‌କା ମାଡ଼୍‌ମାଟ୍ । ଏକା ନେଃଏମ୍‌ଟ୍, ମିଡ଼୍ ନୁ ମିଇ କ୍ରିତଦାସିଡ଼୍ ସାରେତଡ଼୍ ସ୍ବର୍ଗତଣ୍ଡ୍ ପ୍ରବୁନ୍ ଅଦିନ୍ । ଅଣ୍ ସାରେତଡ଼କିଙ୍କ୍ ସାମାନ୍ ବିଚାର ମାଡ଼ିତନ୍ ।

ଆମ୍‌କି ଯୁଦ୍ ଜଗଡ଼ାମ୍

୧୦ ସାରେତିଙ୍କ୍ ପେରକେ, ପ୍ରବୁନ୍ ତଡ଼୍ କାୟଲି ଅନ୍ ମହାଶକ୍ତିତାଗ୍ ଶକ୍ତିମାନ୍ ଆୟ୍‌ମୁଟ୍ ।

☆ ୬:୪ କଲସାୟ 3:୨୧.

☆ ୬:୫ କଲସାୟ 3:୨୨-୨୫.

☆ ୬:୯ କଲସାୟ ୪:୧;

କଲସାୟ 3:୨୫.

୧୧ ଇଶ୍ବର ଇଡ଼ତାଦ୍ ସାରରେ ଆମିକ୍ ଯୁଦ୍ଧଗଡ଼ାମ୍ ତଡ଼୍ ତିଆର୍ ଆୟମୁର୍, ବେଲାକି ଶୟତାନ୍ତେ କାରାପ୍ ଚିନ୍ତେତିଙ୍କ୍ ସାମ୍ନା ମାଡ଼ାଙ୍କ୍ ପାର୍ଦ୍ଦତିଡ଼୍ ।

୧୨ ବାତେଙ୍କ୍‌ଇଡ଼କେ ମାନାଡ଼୍ ସ୍ବର୍ଗତେ ନାରୁଡ଼୍ ବିରୁଦ୍‌ତେ ଯୁଦ୍ ମାଡ଼୍‌ଝାଡ଼୍; ମାନାଡ଼୍ ଶୂନ୍ୟତେ ଶୟତାନ୍ ଶକ୍ତି ନୁ ଇଦ୍ ଯୁଗ୍‌ତେ ଶାସନମାଡ଼ାନଡ଼୍, ରାଜାଲଡ଼୍ ନୁ ସାରରେ ବିଶ୍ବଶକ୍ତି ବିରୁଦ୍‌ତେ ଯୁଦ୍ ମାଡ଼୍‌ତୁମ୍ ।

୧୩ ଆଦିଙ୍କ୍ ଇଞ୍ଜେ ଇଶ୍ବର ଇଡ଼ତେ ଆମିକ୍ ଯୁଦ୍ ଜଗ୍‌ଡ଼ାମ୍ କେରମୁର୍; ଆଲେକେ କାରାପ୍ ସମୟତେ ମିଡ଼୍ ଶତ୍ରୁଡ଼୍, ଚିଟିରମଣିତିଙ୍କ୍ ଅଟ୍‌କା ମାଡ଼େପାର୍ଦ୍ଦତିଡ଼୍ ନୁ ଶେଷ୍ ଆୟନା ଯୁଦ୍ ମାଡ଼ିମିକା ତୁଟାଙ୍ ମାନତିଡ଼୍ ।

୧୪ ଆଦିଙ୍କ୍ ସତ୍ୟତାଦ୍ ବେଲ୍‌ଟ୍, ଦାର୍ମାମ୍‌ତେ ଗୁଣ୍ଡେତାଗ୍ କେରଦାନାଦ୍ ନୁ

୧୫ ତେକେତାଗ୍ ଶାନ୍ତିତେ ସୁସମାଚାର୍ ଲେକେଡ୍ ଏର୍ପୁକ୍ କେରସ୍ ଗାଡ଼୍‌ସ୍‌ଆସ୍ ନିଲ୍‌ମୁର୍ ।

୧୬ ସାରେଦାମ୍ ବିଶ୍ବାସତାଦ୍ ମୁକ୍ତା କାଞ୍ଜିମାନୁର୍, ଇଦିନ୍ ସାହାଯ୍ୟତେ ଶୟତାନ୍ ଏସ୍‌ତେ ସାରରେ କିସ୍‌ତାଝୁ କାଡ଼୍‌କିଙ୍କ୍ ବାୟିଦେ ଏସାଙ୍କ୍ ମିଡ଼୍ ପାର୍ଦ୍ଦତିଡ଼୍ ।

୧୭ ପରିତ୍ରାଣ ରକତାଡ଼୍ ତାଲ୍‌ଲେତାଗ୍ କେରଦାନାଦ୍ ନୁ ପବିତ୍ର ଆମ୍ ଇଡ଼ତେ ଇଶ୍ବରତେ ବାକ୍ୟ ରକମ୍ ରୁର୍ ପୟମୁର୍ ।

୧୮ ଇଶ୍ବରତେ ସାହାଯ୍ୟ ବିକ୍ୟାତାଲ୍‌କି ପ୍ରାର୍ଥନା ତଡ଼୍ ଇଝୁସାରେ ମାଡ଼ାଟ୍ । ସାରରେ ଅସୁବିଦା ଝେଲେ ପବିତ୍ର ଆମ୍‌ତେ ତାଲାମାଡ଼ାନ୍ ଲେକାମ୍ ପ୍ରାର୍ଥନା ମାଡ଼ାଟ୍ । ତିଆର୍‌ତେ ମାନୁର୍; ବେସୁର୍ ଆୟୁଝିମାଟ୍ । ଇଶ୍ବରତେ ନାରୁଡ଼୍ ସେଙ୍ଗେ ସାରେଦାମ୍ ପ୍ରାର୍ଥନାତାଗ୍ ମନ୍ ଇସ୍‌ମାନୁର୍ ।

୧୯ ନା ସେଙ୍ଗେ ମିକା ପ୍ରାର୍ଥନା ମାଡ଼ାଟ୍, ବେଲାକି ସୁସମାଚାର୍‌ଦେ ଲୋପେଡ୍ ବିଷୟ କେତାନଙ୍କ୍ ନୁ ଝେରେଇଲ୍‌ଝେ ଆଦ୍ କେତାନଙ୍କ୍ ଇଶ୍ବର ନା ପାୟୁର୍‌ତାଗ୍ ଟିକ୍ କବର୍ ଇଦ୍‌ତଣ୍ ।

୨୦ ଇଞ୍ଜେ ଇକ୍‌ଲେମ୍‌ତଡ଼୍ ବନ୍ଦିତାଗ୍ ମାଡ଼କେମିକା ନାନ୍ ସୁସମାଚାର୍ ସେଙ୍ଗେ ଝେରଣ୍ ରାଜଦୂଡ଼ । ପ୍ରାର୍ଥନା ମାଡ଼ାଟ୍,

ବେଲାକି ନାନ୍ ସାହାସ୍ ତଡ଼୍, ମନ୍‌ଇସ୍ ସୁସମାଚାର ପ୍ରଚାର ମାଡ଼ାନଙ୍କ ପାର୍ଦ୍ଦତାନ୍ ।

ମାଡ଼େଙ୍କତାଦ୍ ନମସ୍କାର

୨୧ ☆☆☆ ନାୟାଦ୍ ଅବସ୍ଥା ବିଷୟତେ ମିଡ଼୍ ବେଲାକି ପୁନ୍‌ହେପାର୍ଦ୍ଦତିଡ଼୍, ଆଦିନ୍ ସେଙ୍ଗେ ମାନ୍ ପ୍ରିୟ ଦାଦାଲ୍ ନୁ ପ୍ରବୁନ୍ ପାଡ଼୍‌ୟି ମାଡ଼ମାନ୍‌ନ୍ ବିଶ୍ବାସ୍‌ତେ ଦାସ୍ ତୁକିକ ନା ବିଷୟତେ ମିକିଂଙ୍କ୍ ସାର୍‌ରେ ଗଟି କେତିତଡ଼୍ ।

୨୨ ମାମ୍ ସାର୍‌ରେତମ୍ ବେଲା ମିନ୍‌ହେମ୍, ଆଦ୍ ବିଷୟତେ କେସ୍ ମିକିଂଙ୍କ୍ ସାର୍‌ଦେ ମାଡ଼ାନ୍ ସେଙ୍ଗେ ନାନ୍ ଅଂକିଂଙ୍କ୍ ମିଇ ଗାର୍‌ରେ ରଅତୁଡ଼ାନ୍ ।

୨୩ ବାବାଲ୍ ଇଶ୍ବର ନୁ ପ୍ରବୁ ଜିସୁ କ୍ରିଷ୍ଟ ବିଶ୍ବାସି ଦାଦାଲ୍‌ଡ଼୍ ନୁ ଏଲ୍‌ୟାସ୍‌ଙ୍କ୍ ଶାନ୍ତି, ପ୍ରେମ ନୁ ବିଶ୍ବାସ୍ ଇଞ୍ଜିଣ୍ଟ ।

୨୪ ମାନ୍ ପ୍ରବୁ ଜିସୁ କ୍ରିଷ୍ଟନ୍ ସେଙ୍ଗେ ବେନଡ଼ାଦ୍ ପ୍ରେମ ଅମର୍, ଅଡ଼୍ ସାର୍‌ରେତଡ଼୍‌କିଂଙ୍କ୍ ଅନୁଗ୍ରହ ଆୟି ।

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae